

樂

典

樂典卷第三十三

樂記九

賓牟賈第九

賓牟賈侍坐於孔子孔子與之言及樂曰夫武之備  
戢之已久何也對曰病不得其衆也咏歎之淫液之  
何也對曰恐不逮事也發揚蹈厲之已蚤何也對曰  
及時事也武坐致右憲左何也對曰非武坐也聲淫  
及商何也對曰非武音也子曰若非武音則何音也  
對曰有司失其傳也若非有司失其傳則武王之志  
荒矣子曰唯丘之聞諸萇弘亦若吾子之言是也

音憲

軒唯  
法聲

此亦窮本知變之意但止論大武之樂爾賓牟姓  
賈名家語以爲周人蓋當時知樂者備戒擊鼓警  
衆也又謂備戒之後立行綴久之始作舞也憂猶  
病也象武王伐紂憂不得衆心故先戒衆久乃出  
戰也咏歎長聲而歎也淫液聲音連延流液不絕  
也逮及也事戎事也象武王恐諸侯後至者不及  
戰事故吟思以遲之也蚤與早同謂初舞時即手  
足發揚蹈地而猛厲也賈言象武王及時伐紂戎  
事當行故不可緩然下文孔子言是太公之志則

此對非也武舞大武之人也坐跪也致至也憲讀  
爲軒輕之軒謂舞人忽有時而坐以右膝至地左  
足軒起也賈言非武坐以武舞之法無坐也然下  
文孔子言武亂皆坐是周召之治則武舞有坐此  
對亦非也淫貪欲也樂中有貪商之聲謂商聲象  
紂當殺伐商聲甚長則是武王貪欲紂之天下故  
取之也賈言武王非有貪商之心此非武音也孔  
子因問既非貪商之聲則是何樂音乎賈又言此  
典樂之官失其傳而時人妄說也若非失其所傳  
之真而謂武王實有心於取商則是武王之志有

荒繆矣豈神武不殺應天順人之志哉唯應之速而無疑也若似也襄弘周大夫之知樂者孔子適周嘗訪樂於弘孔子年三十歲當周景王二十三年即魯昭公之二十年也孟懿子與南宮适見孔子學禮适言於昭公曰孔丘將適周觀先王之遺制考禮樂之所經斯大業也君盍以來資之臣請與俱往公與一乘車兩馬遂俱至周歷郊社之所考明堂之則察廟朝之度嘆曰吾乃今知周公之聖與周之所以王也訪樂於襄弘弘謂文公曰吾觀仲尼有聖人之表言必稱先王躬履謙讓洽聞強記傳物而不窮抑聖人之興者乎文公周上卿劉子所謂天地之中者其人也弘亦盡忠王室而事難是也爲一句孔子於是然賈文公死於趙鞅之難

言而謂其言與弘相似遂以爲是也賈所對有非則不斥言者殆亦與人爲善之心與益發聲音而

播諸器者有司掌之承訛襲舛有時而失傳通倫  
理而識于君子則不以久而遂泯若弘與賈可謂  
深知武王者矣

賈牟賈起免席而請曰夫武之備戒之久則既聞命  
矣敢問遲之遲而又久何也子曰居吾語女夫樂者  
象成者也總干而山立武王之事也發揚蹈厲大公  
之志也武亂皆坐周召之治也

語去聲女音  
汝大音泰

免席避席也孔子雖然其說而賈猶有未知者故  
復更端請問也聞命謂既爲孔子所許也備戒已  
久所謂遲也又立於綴是遲而又久也

方氏曰上  
遲字音釋

待也待諸侯之至也下遲字如本音謂遲而又久則遲之至也居猶安坐也賈禮

恭辭遜可與之言故使之居而語之象成象其成

功也制其聲容備其節奏凡其偃武脩文之績見

於行列綴兆之間皆所以倣象之故將舞之時舞

人總持干盾如山立而不動象武王持盾以待諸

侯之至故曰武王之事也發揚蹈厲奮其威武象

太公鷹揚之志也亂樂之卒章也維清合武勺告成功上篇

言復亂以武此言武舞將終行列皆坐象周公召

公文德之治蓋以文而止武也此三言說盡武樂

之事蓋孔子之所自得者而賈所對之非於是始

明焉武莫若太公故繫以太公文莫若周召故繫  
以周召君臣上下先武後文情見而義立矣祭統  
曰及入舞君執干戚就舞位君爲東上冕而揔干  
率其群臣以樂皇尸是故天子之祭也與天下樂  
之諸侯之祭也與竟內樂之廟中在天子則天下  
象也在諸侯則境  
內之春秋晉平公時大師猶謂人主舞之然則象  
武王者君自舞也君冕服揔干而立舞者皆持戈  
矛與大夏異此所謂盡美而未盡善者與晉平公  
欲伐齊  
使范昭昭勝昭爲昭公賜之酒昭酣昭曰願請君之樽  
酌公曰進之晏子曰更之昭伴昭酣昭謂大師曰能爲  
我講成周之樂乎吾爲子舞之昭大師曰眞臣不習  
昭趨而出公謂大師曰子何以不爲客調成周之



樂對曰夫成周之樂天子之樂也若調之必人主  
舞之今范昭人臣也而欲舞天子之樂臣故不為  
也昭歸以告平公曰齊未可伐  
也欲犯其禮樂而其臣知之

且夫武始而北出再成而滅商三成而南四成而南  
國是疆五成而分周公左召公右六成復綴以崇天  
子夾振之而駟伐盛威於中國也分夾而進事蚤濟  
也又立於綴以待諸侯之至也後音伏綴知

此孔子又言之成者曲之一終每奏五曲一終為

一成書云蕭韶九成武則六成也武舞之位以象

大司馬以四表為卒伍出入坐作進退之節舞位亦  
然周官大司馬以六樂之會正舞位以序出入文武  
綴兆各有四表將大合樂而習之也陳氏曰先  
儒謂立四表於郊丘廟廷舞人自南表向二表為

一成自二表至三表爲再成自三表至北表爲三  
成乃轉而南向自一表至二爲四成自二表至三  
爲五成自三表至南表爲六成則天神皆降若八  
變則又自南而北爲七成自二表至三爲八成則  
地示皆出若九變又自三表至北表爲九成則  
紂都朝歌在周北一成者舞人初自南第一位而  
北出則至第二位矣以商居北故也再成則從第  
二位至第三位象滅商也三成則從第三位至第  
四位極於北而反乎南象克殷而南還以周居南  
故也家語而南四成則從北頭第一位却至第二  
位象伐紂之後疆理南方之國也五成則從第二  
位至第三位乃分爲左右象周公居左召公居右

也家語分下有陝字後分夾亦作陝謂綴謂南頭也周公召公分陝而治也說見毛詩

之初位也六成則從第三位而復于南之初位樂

至六成而復初位象武功成而歸鎬京四海皆崇

武王為天子矣樂終而德尊也家語作崇其天子夾振之

者總干中立兩司馬夾而振鐸以為節駟當為四

振鐸則舞者以戈矛一擊一刺為一伐左右至再

牧誓曰今日之事不過四伐是已象伐紂之兵勝

殷道劉所以盛威於中國也一說引君執干戚說舞位讀天子連下句

但舊註以崇訓充則未可通耳四伐或象四方征

伐勝殷而或國者五十則亦有東征西討南征北

伐之事矣又有鼓為駟之駟者謂元戎駟分節

介三人同載夾持戈矛而擊刺伐地也非是分部

分也舞者各有部分而振鐸者夾之而進也濟猶  
成也鼓之而左右擊刺欲事早成也軍以鼓進以  
金退未嘗靜矣而又立於行綴之位象武王待諸  
侯之集未嘗動也此又申言武始北出以下事皆  
統於總干山立則所以崇之者豈待樂終乎武樂  
之始終大槩不過蚤與又兩節而已蹈厲之已蚤  
大將之鼓勇也分夾之早三軍之養勇也備戒之  
已久不敢輕大敵而易進又立以有待不敢迫諸  
侯而速進敏以趁大時而以蚤爲貴則動如飄風  
之不可禦緩以聽人心而以又爲貴則靜如磐石

之不可挫一急一緩俱不可偏然六成之舞其父  
之意常勝於蚤者聖人無貪利之心迫而後應不  
得已而後動也故勺以大武告成曰載用有嗣實  
維爾公允師其是之謂乎

且女獨未聞牧野之語乎武王克殷反商未及下車  
而封黃帝之後於蓟封帝堯之後於祝封帝舜之後  
於陳下車而封夏后氏之後於杞投殷之後於宋封  
王子比干之墓釋箕子之囚使之行商容而復其位  
庶民弛政庶士倍祿濟河而西馬散之華山之陽而  
弗復乘牛散之桃林之野而弗復服車申申而藏之

府庫而弗復用倒載于戈包之以虎皮將帥之士使  
為諸侯名之曰建櫜然後天下知武王之不復用兵  
也

反鄭註讀為及前音計行去聲  
叶計斬切建其展切櫜音高

語樂語也凡樂告備而旅有合語之禮牧野則其

道古以為名者反讀為及言克殷之後即至紂都

也家語作反商之政亦通

牧誓曰至于商郊牧野  
武成曰反商政政由舊

今及縣即殷後不曰封而曰投者舉而徙置之辭

也然封微子於宋在成王時此特歷叙黃帝堯舜

禹湯之次而言之耳其曰未及下車而封與下車

而封先後之辭讀者不以辭害意可也積土為封

封比干墓崇賢也行猶視也商容禮樂官武王既  
式其間使箕子視之道達殷勤而後復其位所以  
用賢也弛政解去紂之虐政也倍祿祿薄者倍增  
之也濟河而西布令既畢從紂都河陽今懷慶南度  
黃河至洛城今洛陽西歸鎬京也散放也桃林在華  
山旁甲鎧也鮮與纍同以血塗之也凡兵器之載  
出則刃向前入則刃向後今載還鎬京而刃向後  
有似於倒故云倒載也建讀爲鍵鎖也作鍵語案韜  
兵器之具兵器皆以鍵繫閉戡之示不用也封將  
帥爲諸侯賞其功也今詳文理名之曰建案一句

當在將帥之上凡此皆旅語偃武之事也

散軍而郊射左射狸首右射騶虞而貫革之射息也  
裨冕擗笏而虎賁之士說紉也祀乎明堂而民知孝  
朝覲然後諸侯知所以臣耕籍然後諸侯知所以敬  
五者天下之大教也

左射右射皆音石裨音皮賁音奔說音脫

散軍散放部伍歸之鄉也六鄉之地曰郊郊射習

射於郊學以擇士簡德也左東學也在東郊射以

歌狸首之詩爲節右西學在西郊射則以歌騶虞

之詩爲節也貫穿也革甲鎧也軍中不習禮其射

但主於穿札今既行禮射則此射息而不爲矣裨



猶埤也天子六服衮冕以下皆爲禋逮于下大夫  
摺插也笏公及士所摺也見君則棄之虎賁以奔  
走有力言說解去也將帥自封爲諸侯以下皆易  
禮服則武士亦皆解去其佩劍矣陳陽曰古者虎賁之士雖多統  
之者下大夫二人而已大夫文王之廟曰明堂蓋  
既見笏故所統之士亦化之文王配之事親如事  
鄭宮也季秋之月大饗帝以文王配之事親如事  
天故民知孝也春朝秋覲故諸侯知所以臣其君  
躬耕籍田以供粢盛故諸侯知所以敬神蓋射節  
禮容祀饗朝覲耕籍五者皆所以潛消其暴戾整  
悍之習而開導其恭順孝敬之心使諸侯還國敦

其國人耶周頌所謂求懿德陳時夏者故曰天下之大教也武王治定功成而一變天下以文教然則武舞豈徒尚武而已哉

食三老五更於大學天子袒而割牲執醬而饋執爵而酹冕而總干所以教諸侯之弟也若此則周道四達禮樂交通則夫武之遲久不亦宜乎

食音副更平聲大音泰

先立大教然後養老則禮備而樂具矣今禮有飯有餼雖設酒而不飲以飯為主故曰食也三老五更謂備三德知五事而壽考者

三德至德為道本敏德為行本考德

知惡逆五事言親視聽思

大學在郊學之中一曰辟廱立四學在四郊

其實一處也辟離居中北爲虞庠東爲夏學西爲  
殷學學干羽就東序學禮就瞽宗學書就虞庠辟  
雍唯天子養老及出師天子非事人者也躬執子  
成謀受俘大射等就焉弟之禮以事之首戴冕而手執干盾就舞位以樂  
之以此教諸侯然而不弟者未之有也陳氏暘曰  
七十者養於學達於諸侯周初因殷人以食禮其  
後脩燕饗而兼用之文王世子曰凡大合樂必遂  
養老天子視學釋奠於先老遂設三老五更群老  
之席位焉適饌省醴養老之珍具遂餐咏焉退脩  
之以孝養也言親袒衣割牲則適饌可知言執豆  
而饋則珍具可知食肉用醬各有所宜言執爵而

醕則省醕可知醕收口也以水言冕而總干則饗

咏可知故又曰及登歌清朝既歌而語以成之也

言父子君臣長幼之道合德音之致禮之大者也

友謂老更受獻畢皆立於西階下東西今皆及升

就席乃使樂工登歌以樂之歌畢至旅酬詔說舊

詩中德音下管象舞大武大合衆以事達有神興

有德也正君臣之位貴賤之等焉而上下之義行

矣維清象舞之曲也堂下以管奏之而不言征伐

武頌大武之舞曲也庭中舞之惟言勝殷遏劉天

子之樂頌合大雅咏歎淫泆而其辭下武而尚文

則合於羽籥可知矣下管之應鳴球也長夷則之

上宮合奏黃鍾之下宮則姑洗爲慢角及歌大呂  
則中呂爲清角以太簇之下宮合奏無射之上宮  
則蕤賓爲清徵及歌應鍾則夾鍾爲流徵此中聲  
以成九變者也官爲君以角倡商爲臣以徵和神  
不可度以此達之德不可見以此興之君臣貴賤  
上下之義行而禮樂明備矣雖大夏合文武之中  
大氐本此所謂窮本知變也不然豈備樂哉四達  
者東西南北無所不達也交通者上下內外無所  
不通也功小則綴短而舞速今功大治徧矣舞綴  
遲久重禮樂也故曰不亦宜乎 樂典卷三十三

樂典卷第三十四

樂記十

樂化第十

君子曰禮樂不可斯須去身致樂以治心則易直子諒之心油然而生矣易直子諒之心生則樂樂則安安則久久則天天則神天則不言而信神則不怒而威致樂以治心者也

此承上篇禮樂交通而述君子之言蓋禮樂爲治身心之本俄頃之間不可去之雖統同辨異二者相對而其本皆出於一禮之誠即樂之和樂之和

即禮之誠也致窮至也治理也樂由中出故以治  
心言之於聲音動靜詳審其哀樂喜怒和與不和  
以其和者理其心則性有養而氣不暴也易謂平  
易直謂正直子謂慈愛諒謂誠信朱子曰韓詩外  
傳子諒作慈良近是油然而生潤澤貌制樂由於  
禮義其音平和中正致此以治心則和而有節性  
常存而欲日消易直子諒油然而生矣生則樂謂  
善端之萌自然悅豫也春秋傳曰和聲入於耳而  
藏於心心億則樂是已樂則安謂心樂天理而厭  
人欲則處善之心不爲情蔽不爲物奪德性堅定

而能安矣安則始終如一無少間斷故能久也又  
則真實無妄其靜也天天則變化無方其動也神  
天者性之原也氣靜則性靜渾淪一本默成德行  
雖不言而信自存也神者氣之主也性動則氣動  
開闢幽微訢喜感通雖不怒而威自著也信存於  
中者非他也心之邪穢已盡則情反性性至命即  
帝降之有恒也有恒故信威著於外者非他也心  
之清明已還則神使氣氣就形即陰陽之不測也  
不測故威此皆窮至之驗故申之曰致樂以治心  
者也樂之感化人心至於天而且神可以識窮本



知變之妙矣

樂感人心自是實事商頌曰我有嘉客亦不夷懌樂則安也周頌曰我客

戾止永觀厥成安則久也孔子聞韶學之三月不知肉味曰不圖為樂之至於斯也久則天也黃帝

作為清角大令鬼神西大山之上風伯進掃雨師灑道乃奏咸也洞庭之野四特迭起萬物循生而

苞裹六極

天則神也

致禮以治躬則莊敬莊敬則嚴威心中斯須不和不

樂而鄙詐之心入之矣外貌斯須不莊不敬而易慢

之心入之矣

躬身也禮自外作故以治躬言之於天理人事詳

審其節文儀則序與不序以其序者理其躬則偽

可去而誠可著也視聽言動制於中者端莊而恭

敬則血氣心知飾於貌者嚴肅而威重自誠而形而窮至之功驗矣心惟平易正直而無艱深險阻此其治於樂而平和者也不和則鄙而貪欲不樂則詐而僞生不莊則失之輕易不敬則失之怠慢不和不樂不莊不敬者生于內者也鄙詐易慢者入自外者也曰入則外誘使然非本心實有此惡雖非本有然心既爲所奪則得以爲主於內故亦謂之心也然則著誠去僞之心豈可斯須而少間哉夫禮之著誠去僞在於修爲而樂之窮本知變出於感通修爲者不可間斷感通者不可勉強禮

之誠真積功深則樂之和安久而化矣故此一節以和樂莊敬合身心而言禮

故樂也者動於內者也禮也者動於外者也樂極和禮極順內和而外順則民瞻其顏色而弗與爭也望其容貌而民不生易慢焉故德輝動於內而民莫不承聽理發諸外而民莫不承順故曰致禮樂之道舉而錯之天下無難矣錯音

禮樂之所以能治身心者以其本之出於身心也

動於內則能治心矣動於外則能治躬矣

樂不離乎聲音

動靜然必內有欣喜歡愛之和然後發之於聲音形之於動靜非和於內則不能成其樂故曰動於

內也禮不出乎節文儀則然必外有進退周旋之  
序然後節文由以立儀則由以行非序於外則不  
能成其體故極和極順謂樂自安久禮自莊敬而  
曰動於外也惟極之至于精密則無斯頃之和不順矣內和  
而色和天神在我故民不與爭外順而貌順嚴威  
在我故民不生易慢心身無一時不治所以感人  
動物其效如此德以輝言乃英華發外之驗易直  
于諒之流通也理發諸外是動容周還之中禮自  
誠而形也蓋德輝即顏色理發即容貌上泛言之  
此乃指其實爾曰承聽則非徒不與爭也至樂無  
聲而自和曰承順則非徒無易慢也至禮不讓而

自治如此則樂之本禮之誠本諸身心者徵諸庶民矣何以致此極效於民哉蓋聖人與斯民均備禮樂於性分但聖人先得我心之同然耳故舉而措諸天下此以心感彼以心應宜其易也此謂同民心而出治道

樂也者動於內者也禮也者動於外者也故禮主其減樂主其盈禮減而進以進爲文樂盈而反以反爲文禮減而不進則銷樂盈而不反則放故禮有報而樂有反禮得其報則樂樂得其反則安禮之報樂之反其義一也

報如字非註音喪非

上言動於內外而再中之者和順出於身心既徵  
於治人然後報本反始以事鬼神也故祭義論鬼  
神報禮敬衆反始以及孝敬之至而引此證之自  
子曰減謙損也盈充滿也進謂勇猛力進反謂曲  
至此終反始以體言之禮減樂盈以用言之禮進樂反  
樂動於內情文美善爲人心之所喜故其體主盈  
禮動於外威儀繁多爲人心之所厭故其體主減  
減則退讓檢束其用當自勉強而行之以和故以  
進爲文如饗必至於百拜儀必至於三千是也盈  
則舒暢發越其用當自休止而抑之以節故以反

爲文如燕樂必止三終蕭韶必止九成是也禮既  
謙損若怠而不進則銷歇矣樂既充滿若往而不  
反則流放矣故禮有報必資於樂樂有反必資於  
禮報氣以臭神本昭于天也報魄以味鬼本歸于  
地也報賔以大饗人本天地之性也禮得其報皆  
由樂以和之周還進退從容不迫則樂不厭矣圜  
鍾起羽角六變反于圜鍾函鍾起徵商八變反于  
函鍾黃鍾起宮九變反于黃鍾樂得其反皆由禮  
以節之優柔平中曲終告闕則安所止矣禮之報  
也即樂之反始也樂之反也即禮之報本也禮樂

無濟而得中事理合宜而無貳故曰其義一也究而言之達有神興有德我之天神也正君臣之位貴賤之等我之嚴威也明則有禮樂幽則有鬼神其義亦一而已矣

夫樂也者樂也人情之所不能免也樂必發於聲音形於動靜人之道也聲音動靜性術之變盡於此矣故人不耐無樂樂不耐無形形而不爲道不耐無亂先王耻其亂故制雅頌之聲以道之使其聲足樂而不流使其文足論而不息使其曲直繁瘠廉剛節奏足以感動人之善心而已矣不使放心邪氣得接焉



是先王立樂之方也

者樂音洛耐與能同

上言達有神此言興有德樂者樂也蕪歌舞言出於人情之所同歡誰能無之故曰不能免也發謂出於口聲音謂嗟歎詠歌形謂見於身動靜謂手舞足蹈道猶路也情發中節天下之達道也性術謂出由於性蓋心統性情前曰心術形焉人心感物而動乃性之無恒時此曰性術之變變者情也情出由性則人心易爲道心帝降有恒之本體也盡於此謂歌舞皆率天性而不可過過則流放也形蕪情聲容不爲道者不率天性以欲忘道如鄭

衛之樂是也亂謂淫蕩以至亡國喪家鄉樂雜於清商其亂自漫瀾北鄙而來亦已遠矣先王耻人

情無節故制爲雅頌聲詩以道迪之聲謂聲與器

諧雅琴瑟笙鐘笙磬頌頌琴瑟合歌鐘頌磬文謂樂之篇章王政廢興在雅

不在頌頌盛德形容在頌不在雅雅辭聲足樂者樂多故荀竹吹之頌詞少故一倡三歎

其道以制欲而不至於流文足論者論其理以成

章而不至於息論倫無患樂之情也宛轉曰曲徑

出曰直衆多曰繁狹小曰賸稜隅曰廉圓滑曰肉

終止曰節始作曰奏樂律之清濁高下隨分而作

以會其音使足以感動人之善心而已既正之以

雅頌又調之以律呂其音安以樂則貌肅敬而心  
慈愛使哀厲滌濫盡皆銷化故放肆之心邪僻之  
氣不得接於吾身焉是乃先王立樂之方法也蓋  
嘗審之樂必歌投頌吹合雅琴瑟以詠之鍾鼓以  
和之嘽緩而不噍殺此謂曲直笙磬以合之簫管  
以齊之簡箴而不粗厲此謂繁瘠清角以倡之流  
徵以隨之勁正而不流僻此謂燕肉籥舞聽鞀鼓  
控楫壘篪以作止和動而不狃成此謂節奏是其  
立方法以節人情不越乎八者之外矣故曰樂得  
其反則安

方氏曰曲者聲之柔若絲是也直者聲  
之剛若金是也繁者聲之雜若笙是也

濤者聲之純若磬是也蕤者聲之清若羽是也肉  
者聲之濁若宮是也鐘者聲之制若徵是也奏者  
聲之作若合是也琴瑟尚宮鐘尚羽石尚角歌者  
在上瑟鍾並起匏竹在下笙磬同音宮羽相變小  
大相成徵作則宮止  
商和則宮合故云然

是故樂在宗廟之中君臣上下同聽之則莫不和敬  
在族長鄉里之中長幼同聽之則莫不和順在閭門  
之內父子兄弟同聽之則莫不和親故樂者審一以  
定和比物以飾節節奏合以成文所以合和父子君  
臣附親萬民也是先王立樂之方也

上言興起德性此言默成德行蓋樂語必言父子  
君臣長幼之道而其理亦形見於樂故耳之於聲

也天下本有同聽然正樂隨地而流行倫理因人而感化宗廟之中主敬族長鄉里之中主順閨門之內主親同聽者各一其感則和於敬而自不慢和於順而自不逆和於親而自不疏紀綱正而倫理明矣一者心也心一而所應者不一蓋有血氣心知之性而無哀樂喜怒之常作樂必先審人聲之所由形喜樂令同敬愛絕無哀怒以藝之則所發有一定之和矣定調和之曲比八音之物以飾音曲之節節以止樂而奏以作之一節一奏倡和清濁相合而成五聲之文則由中而出者相生相

長如陰陽之變化雖至於九成而一者未嘗變也  
此謂窮本知變此謂天則神凡在同聽此其所以  
合和者與合和至親至嚴之倫附親其至䟽至衆  
者此謂比類以成行蓋樂發於吾心而感於人心  
無二理也再言先王立樂之方者陳氏暘曰五聲  
所以爲一者以宮爲之君也十二律所以爲一者  
以黃鍾爲之本也故審宮聲則五聲之和定審黃  
鍾則十二律之和定及比於器物宮倡商和奏中  
聲以爲節節奏合則成五降之文道三靈之氣宮  
爲君父商爲臣子角爲萬民皆見於象矣由前則

先君臣後父子重輕之序也由後則先父子後君臣家國之序也用之祭祀燕私者施及邦國飲射則疏遠者亦皆親附非中聲合於宮商之所感與故曰黃鍾以本之中正以平之確乎鄭衛不能入也

故聽其雅頌之聲志意得廣焉執其干戚習其俯仰詘伸容貌得莊焉行其綴兆要其節奏行列得正焉進退得齊焉故樂者天地之命中和之紀人情之所不能免也

詘音屈要平聲行戶剛切

上言樂以和禮此言禮之節樂聲莫重於升歌雅

頌皆用黃鍾正宮舞莫重於大武天子冕而搢干  
故舉周道所重也綴表也所以表行列也兆域也  
舞者進退所至也要猶會也周官大胥以六樂之  
會正舞位是已節奏謂籥舞作止武舞與之相要  
會兩階各分行列進旅退旅也命敎也紀總要之  
名也雅以施王道頌以贊成功樂聲作則同聽者  
內之爲志意發由天性和親和敬和順皆無一毫  
私欲自蔽故曰得廣外之爲威儀執干戚以習其  
動止首之俯仰身之屈伸皆一於敬故容貌得莊  
依綴兆之位隨節奏之會故行列得正進退得齊



禮爲之節故也由是觀之天地之性得於心者鮮克盡之志意充廣則和順積中達於君臣父子長幼之道皆性之流行矣是樂爲天地之教命也中和之氣形於身者鮮克致之曰莊曰正曰齊則英華發外皆由樂爲之紀紀散則樂淫亦猶禮爲衆之紀紀散則褻亂也夫樂有本有文本立則文備矣文成則化行矣其始也本人情而作其終也人情亦必由樂而治聞其聲則擴其心習其容則檢其身此所以不至於亂也然則人情於樂雖欲勿用其可得乎故又言不能免以總結上文

夫樂者先王之所以飾喜也軍旅鈇鉞者先王之所  
以飾怒也故先王之喜怒皆得其儕焉喜則天下和  
之怒則暴亂者畏之先王之道禮樂可謂盛矣儕音  
禮中有樂則嚴而泰樂中有禮則和而節非天子  
建中和之極何以致此故末復歸諸先王蓋王者  
喜怒天下休戚係焉儕類也皆得其儕言各從其  
類喜以物之當喜而非私喜怒以物之當怒而非  
私怒也喜當其類非善不喜則自墜門以及於邦  
國卑朝廷以及於鄉黨無有不和者矣怒當其類  
非德不怒則暴民不作而五刑不用諸侯賓服而

兵革不試無有不畏者矣人情之發易私難公公  
於喜怒不過順乎人情耳而德之所施者博威之  
所及者廣則豈可以爲僞哉夫禮有五軍居一焉  
以飾喜爲樂則飾怒爲禮矣禮節民心樂和民聲  
皆由慎感如此由是知先王之道徵諸庶民極和  
極順如上所言則禮樂正其盛者也禮樂達於天  
下人皆不容斯須去身非是道也天地不能以自  
爲命中和不能以自爲紀則禮之必資於樂也章  
章明矣故獨以樂化名篇云

一說天命有德制樂以賞諸侯天討有罪

軍旅以通暴亂而自賞罰言亦通

樂典卷第三十四終

樂典卷第三十五

樂記十一

師乙第十一

子贛見師乙而問焉曰賜聞聲歌各有宜也如賜者  
宜何歌也師乙曰乙賤工也何足以問所宜請誦其  
所聞而吾子自執焉寬而靜柔而正者宜歌頌廣大  
而靜疏達而信者宜歌大雅恭儉而好禮者宜歌小  
雅正直而靜廉而謙者宜歌風肆直而慈愛者宜歌  
商溫良而能斷者宜歌齊夫歌者直已而陳德也動  
已而天地應焉四時和焉星辰理焉萬物育焉

贛與  
貢同

承上樂化德成則可以游於藝矣樂師辨乎聲詩

故以此終篇子貢孔子弟子衛人端木賜也師樂

官名乙

正義曰魯之大師替而無目知音者

聲歌謂詠聲以諧音必

鼓琴瑟各有宜言取詩之興趣以理其情性使合

於宜也周官大師教詩以六德爲之本以六律爲

之音註謂子貢此問人性也本人之性莫善於律

合人聲爲音曲曰歌歌既宜則氣順性也賤工樂

人稱工誦其所聞蓋述周官之教執猶處也

大師

爲聲又使其人作聲合之聽人聲與律呂聲合

故爲音合曲曰歌聲性所宜見於聲氣則六德知

仁聖義

中和也人生而靜天之性也六德以是爲本而後

中和故履言之寬柔則有容矣既靜而且正則仁  
聖而有禮禮恭則德盛猶頌美盛德之形容也廣  
大而又䟽達則有別矣既靜而且信則知仁而聖  
猶大雅用於朝會發先王之德政之大者也恭儉  
則有敬矣好禮則恭而能安不至於勞儉而能惠  
不至於固其猶小雅用於燕饗以逮群下政之小  
者乎正直清庶則有執矣既靜而且謙義行於禮  
風之發乎情止乎禮義者如之此皆歌之以養其  
德者也肆直者義之勇慈愛者仁之情義不勝仁  
習成柔性商音剛決濟其柔焉則沉潛剛克矣溫

良者仁之本能斷者義之用仁不勝義習成剛性  
齊音柔緩濟其剛焉則高明柔克矣此皆歌之以  
正其偏者也直已則循理而無所枉陳德則因性  
而無所隱有此德而宜此歌則是身以德立復其  
正直德以歌發見於敷陳也動已謂德輝之動自  
不能隱也應謂有感和謂不乖理謂不亂育謂生  
成人之歌也與陰陽相爲流通物象相爲感動故  
有四者之應也豈非氣順性者與夫應雲門地應  
咸池奏角則和  
青陽發徵則和朱夏動商則和  
西頤騁羽則和玄  
冬歌大呂而日在虛歌應鍾而日在尾歌南呂而  
日在亢歌函鍾而日在星歌中呂而日在參歌夾  
鍾而日在奎冬用春律寒谷生黍鄉衍能之聲然

更授其次曰度曲度曲未終雲起雪飛漢元帝能  
之彈琴而奏清角翔風至而玄雲起夏統能之正  
月用夾鍾歌春光正好柳杏微折唐玄  
宗能之然則四者之應豈虛語哉

故商者五帝之遺聲也商人識之故謂之商齊者三  
代之遺聲也齊人識之故謂之齊明乎商之音者臨  
事而屢斷明乎齊之音者見利而讓臨事而屢斷勇  
也見利而讓義也有勇有義非歌孰能保此

識音志

樂以歌爲本詩以聲爲用頌及風雅誦其文而說  
其義協於律而播於絃皆有理可見惟商之韶濩  
沿舜九歌齊之武音因武王之事以見太公之志  
文久而息節奏久而渝故商非全五帝之聲齊非



全三代之聲特其遺聲而已凡樂必文之五聲攝  
之八音歌者詠聲以諧音故言歌以聲音爲次序  
宋爲商後商人謂宋人也周人燕用六樂宋正考父得商頌於周之大師  
周之禮樂盡在魯而魯師擊磬適齊  
商頌歌於宋宜魯頌歌於齊與明者不蔽之謂  
保猶安也言安於勇安於義而不移也肆直而濟  
之以慈愛不以慈愛而蔽其肆直是明乎商之音  
者也故臨事而屢斷即德性本然之肆直也溫良  
而濟之以能斷不以能斷而蔽其溫良是明乎齊  
之音者也故見利而讓即德性本然之溫良也臨  
事屢斷則明道義而無疑配道義而不懼故曰勇

見利而讓則無爲其所不爲無欲其所不欲故曰  
義勇與義固人之本有也然非歌乎商音則臨事  
蔽於慈愛而難殛斷非歌乎齊音則見利蔽於能  
斷而不能讓故曰孰能保此訓詁之學興而聲歌  
之學微矣俗樂詞曲腔調雖有聲歌而無義理又  
溺音之尤也可勝歎哉宋音燕女凝志齊音放聲足樂而外不淫色內不害德文足論而可以修身及家平均天下及其淪也則與鄭衛同矣亦猶野樂變爲樂府又變小詞爲北曲至於南戲非惟無義理而律呂亦亡矣欲復正樂惟於聲音義理以求中和而已

故歌者上如抗下如隊曲如折止如橐木倨中矩句

中鉤繁繁乎端如貫珠故歌之爲言也長言之也說

之故言之言之不足故長言之長言之不足故嗟歎

之嗟歎之不足故不知手之舞之足之蹈之也子貢

問樂隊音墜案苦老切俗音搭中去  
解句紀具切案力追切說音恍

此歌詩之方法也抗言聲之發揚如舉而高墜言

聲之重濁如墮而下樂府雜錄曰善歌者必先調  
其氣氣順自臍間發至喉乃

噓其詞即分抗隊之音既得  
其術即可致出雲霄谷之妙曲言其回轉而齊也

折猶旋也止言其闕後而定也橐木枯木也度曲  
見上

註倨微曲也句甚曲也倨則居而不動有方之體

故中矩句則屈而不直有曲之體故中鉤自常而

入變也。變，通變。屬貌端正也。聲之相繼，或高或下。

或倨或句，或曲或止，正如貫珠之相連也。長言之。

引其聲也。嗟歎和而續之也。既論歌之形狀，復論

歌之始終，始於悅而形於言，終於不知手舞足蹈。

則歡之至也。毛詩曰：情動於中而形於言，言之不

足故吟，吟之不足故詠，詠之不足故歌，歌之不足故

而後作樂。蓋一人唱，三人和之，主樂聲而言詩先

嗟歎而後詠，歌者蓋先嗟歎其詞之善而後歌之

至於孟子言樂惡可已，先足蹈而後手舞，亦一時

之言。曰：子貢問樂者，蓋結上文而題其事也。陳氏  
暢曰：仲尼門人知樂者，惟子夏問及樂者，惟子貢  
而已。豈二子達於詩，仲尼嘗悅而進之，與大戴禮

曰凡雅二十六篇其七篇商齊可歌也故曾子商  
歌聲若出金石莊周與之寧戚問歌桓公用焉蓋  
商齊二音皆可以砥礪德性而正其偏故子貢問  
及而師乙再申言之然子貢達於政非不能臨事  
而變斷也但累於貨殖見利未必能讓耳然則其  
所宜歌者可知矣漢藝文志儒家公孫尼子二十  
八篇序在孟子之上註云七十  
子之弟子而不言其出處蓋與子思同時其所  
天地應萬物育與中廟相似疑亦衛產以所記子  
夏子貢皆衛人而子思亦皆在衛也戴記緇衣緒  
篇皆出其書宗師仲尼亦醇儒也正義曰尼子吹  
篳篥記通天地貫人情辨政治故細解之  
師乙所對換簡失次今依史記所定云

樂典卷第三十六

詩樂

通曰古者燕樂通用之樂歌此其遺聲也每句之中字字律呂堂上之歌皆用黃鍾以象君堂下合樂則用清商以象臣其二南之時事殷之義乎朱子得諸趙彥肅以爲詩樂今從之俗呼正宮越調與蔡元定所錄燕樂相同因併以合四一上勾尺工凡六五譜焉夫樂居六經之一雖備於聲容而其本原則詩也史記孔子刪詩關雎之亂以爲風始鹿鳴爲小雅始文王爲

大雅始清廟爲頌始三百五篇孔子皆弦歌之  
以求合韶武雅頌之音四始則學者所常肄也  
周衰樂崩錯雜無倫賴聖人正之故曰吾自衛  
反魯然後樂正雅頌各得其所當時必有聲譜  
不止於辭而今不傳觀笙詩有其義而無其辭  
則有聲可知已清廟之瑟不以簫管亂入聲故  
有倡有歎倡者發歌句也歎者繼和其聲也詩  
詞之外必有聲字散聲以發其趣雅則合以匏  
竹春秋傳伶簫及鹿鳴之三是已風亦名鄉樂  
末乃合之故謂之亂燕禮曰笙入三成遂合鄉

樂若舞則句句告成大武之樂歌也蓋韶奏黃  
鍾武奏無射孔子所以合韶武者謂雅頌用黃  
鍾爲宮鄉樂皆無射清商故爾由是觀之此譜  
之傳豈無自哉世疑其直以一聲協一字無復  
倡歎而不知頌與風雅體固殊也惟合樂笙歌  
並作溺音得以亂之故論爲邦曰樂則韶舞放  
鄭聲後世有作因是審焉本九德之歌爲九成  
之樂用雅頌之正戒鄭衛之淫則古樂興矣大戴

禮言凡雅二十六篇以鹿鳴爲首漢晉自製詩  
易之雅遂亡高帝時唐山夫以作房中安世歌  
十七章以淮關雉之亂風亦亡唐裴耀卿守宣  
州燕飲歌南陔六詩聽者感泣蓋借俗樂哀聲



以為偽爾儒生侈為笑  
談其欺世盜名如比

升歌鹿鳴四牡皇皇者華三終畢記宵雅肄三官

雅每篇  
為一終

呦六黃清呦南工鹿南工呦南工鳴姑食南工野姑之太萃

合我有林嘉南賓南鼓尺瑟南吹清笙

尺吹樂笙尺鼓南簧姑承南篴清是姑

將南工尺林南之高好合我姑示尺我南周清

五行黃清○呦合呦姑鹿尺鳴姑食尺野南工

之太清黃蒿清我尺林南有高工嘉應凡賓黃清德南工

音尺孔姑昭尺視姑一民南工不黃清恍姑一君

凡子黃清是姑則是是姑一倣我尺林有南

工黃旨合酒姑一嘉尺林賓南工式應凡燕南以太清五

教黃六清○切合黃切姑一鹿四太鳴黃食合四野合黃之合琴六

我尺有南工嘉應凡賓南工鼓南工瑟南工鼓

六黃清尺琴尺鼓尺瑟尺鼓尺一琴南工和尺應尺樂尺清六

且姑一湛南工我尺有南工旨合黃酒姑一以尺林燕南

工樂合黃嘉尺應尺賓南工之太清心黃清六

鹿鳴三章章八句黃鍾清宮俗呼正宮下同

四黃合牛壯姑一駢尺林駢姑一周四太道合黃委梨尺遲姑一豈

尺林不南高工懷尺應尺歸尺黃清王尺事尺姑尺靡尺監尺南工

我尺林心合黃傷高應悲六黃清○四合黃牡姑非尺林非尺林南

一單應單高應單高南駱高太清馬六黃清豈高應不尺林懷高應凡

歸高南王高應事高姑靡合黃鹽合黃不尺林遑高姑一高南啓高太虞

合黃○利高六清高姑一高南者尺林維高姑載高姑飛高應載

尺下高南集高南于高南苞高南羽尺林王高太事高黃靡高應鹽

姑一不尺林遑高南將高太清父六黃清○翮高六黃高清翮高姑一

者高南佳高姑載尺林飛高應載尺林止高南集尺林于高南工

荷高南杞高姑一高南王高應事高姑靡尺林鹽高南不高黃遑高應凡

太合黃母合黃○駕高黃彼高太四合黃各高姑載尺林聚高南變高黃

六尺林豈尺林不高南工懷應凡歸合是高太用高黃作高應凡

母黃清來太清念黃清

四牡五章章五句黃鍾清宮

皇合黃皇南者尺林華南于尺林彼姑原尺林隰南

先尺林征尺林夫姑每尺林懷南靡尺林及尺林

六尺林我合黃馬姑維尺林駒姑六尺林轡姑如尺林

濡尺林載尺林載尺林區姑周尺林爰姑谷尺林

合尺林我尺林馬尺林維尺林應尺林其尺林黃尺林清尺林六尺林轡尺林如尺林

勾尺林系尺林一尺林載尺林馬尺林高尺林工尺林載尺林區尺林周尺林爰尺林谷尺林

五尺林誅尺林清尺林我尺林馬尺林維尺林應尺林駱尺林六尺林轡尺林姑尺林

一尺林沃尺林若尺林高尺林工尺林載尺林馬尺林高尺林工尺林載尺林區尺林周尺林爰尺林高尺林工尺林

客太清詢黃清

皇皇者華五章章四句黃鍾清宮已上皆黃鍾為

簇為商南呂為羽姑洗為角應鍾為變宮蕤賓為變徵隨歌聲抑揚為五音之等非叶字本音也下皆倣此

笙入奏南陔白華華黍三笙詩乃間歌魚麗笙由

庚無詞歌南有嘉魚笙崇丘無詞歌南山有臺笙由儀

無詞三終儀禮三笙一和而成聲謂笙工必用四人

謂之笙入若川歌則間代而作堂上先歌魚麗則堂下吹由庚為一終其二終三終皆如之

魚黃清麗姑于一高勺高留姑一高鰭太清合黃清君合勺合子合尺合有

應高比高酒高旨高尺高且高南高工高多高黃高清高○魚高麗高太高清高于

太留六黃清方姑一君尺子尺有尺酒姑多尺

且尺旨合黃○魚合黃麗高五于高尺留尺厘尺里尺南

工君尺子高姑一有尺林高南旨尺且高南有合黃○物

六黃清其高姑多高尺矣高南佳高尺其高姑嘉尺林尺矣南

工○物合黃其尺旨尺矣高姑佳高南其尺偕高姑一矣

林○物合黃其尺有合黃矣高姑佳高尺其高南時尺太矣

六黃清

魚麗六章三章章四句三章章二句黃鍾清宮

南六黃清有尺林尺嘉高尺魚高南丞高尺然高南罩高尺一

罩高南工君尺子高南有尺林尺酒高姑一嘉高尺賓高尺六黃清式

林燕南尺燕高工以太清樂黃清六○南黃清六有南高工嘉燕高工魚

姑高一勾然姑汕尺林山南高工君尺林子南高工有合黃酒

姑高一合黃賓姑一式太燕合以南高工行尺黃清六○南清黃

六有太清高五膠應高凡木應高凡甘六黃清瓠尺林暴南高工之清黃

六君合黃子太有合黃酒姑一嘉太清高五賓六黃清式應高凡燕

南工綏太清高五之六黃清○翻合黃翻四太者合黃佳姑一燕尺

然南高工來勾思姑一君六黃清子姑一有尺林酒南高工嘉

勾賓姑高一式太燕合又南高工思六黃清

南有嘉魚四章章四句黃鍾清宮

南六黃清山太清高五有應高凡臺南高工北應高凡山南高工有太清

高 萊 黃 清 樂 應 只 黃 清 君 應 子 南 邦 尺 林 家 南

工 之 黃 清 基 尺 林 樂 應 只 尺 林 君 南 子 姑 高 一 萬 合 壽 姑

一 無 四 期 黃 清 ○ 南 合 黃 山 姑 一 有 尺 林 桑 姑 高 一 北 合 黃 山 姑

二 有 四 太 易 尺 樂 應 只 尺 林 君 應 子 南 邦 尺 林 家 南

之 合 光 尺 林 樂 應 只 尺 黃 清 君 應 子 姑 高 一 萬 尺 林 壽 南 工

無 太 清 尺 樂 應 只 尺 黃 清 山 尺 林 有 應 尺 林 杞 南 工 北 尺 林

山 南 有 太 清 尺 樂 應 只 尺 黃 清 山 尺 林 有 應 尺 林 杞 南 工 北 尺 林

工 民 南 有 太 清 尺 樂 應 只 尺 黃 清 山 尺 林 有 應 尺 林 杞 南 工 北 尺 林

德 糕 音 姑 一 不 太 已 合 黃 山 姑 一 有 尺 林 桑 姑 高 一 北 合 黃 山 姑

高 工 山 尺 樂 應 只 尺 林 君 應 子 南 邦 尺 林 家 南

樂 工 尺 林 樂 應 只 尺 林 君 應 子 南 邦 尺 林 家 南



林不南工眉太清壽黃清樂應只黃清君林子姑

一高德應音南是林茂黃清○南黃清山姑有

製姑一北應山黃有太清梗黃清樂應只黃

君應高凡子南工退南不製姑黃姑一高荷林樂姑只林

君姑子姑高一保黃清艾南爾林後黃清

南山有臺五章章六句黃鍾清宮子朱子曰宮聲

則實主失散樂忌臣民敬君故商聲不得過宮聲

亞鍾不敢解以避役官聲也黃鍾九寸最濁清聲

則四寸半黃鍾君象非諸宮所能役故虛其正而

半於正聲三寸九分即含少清  
官也琴弦少官合大絃奏之  
笙入三成遂合鄉樂關雎鵲巢三終合樂謂歌笙與衆樂俱作

堂上歌瑟堂下笙磬合奏此六  
詩也言三終者二南各三終也

關六黃清關南高工睢尺林鳥尺南在尺黃清河尺姑之尺太洲尺黃

窈尺林窈尺南工尺黃清女尺姑君尺黃清子尺林好尺南工尺黃速

六黃清○參尺黃清差尺南行尺林桀尺南左尺林右尺南工尺黃流

無尺北之尺黃清窈尺中窈尺林淑尺無女尺姑下尺高寤尺太寐尺姑

求尺太之尺黃清求尺黃清之尺南不尺林得尺南寤尺姑一尺高寐尺中

思尺南工尺月尺尺林悠尺姑一尺中哉尺姑一尺高哉尺太輶尺黃清轉尺南

工尺高反尺無側尺黃清○參尺黃清差尺無下尺凡行尺南桀尺林左

太尺清右尺林采尺南之尺黃清窈尺姑一尺高窈尺中淑尺林女尺南工尺高

琴尺林瑟尺姑友尺太之尺姑一尺高參尺太差尺黃行尺姑一尺高桀尺林左

林右姑 一 毛 尺林之南 竊 尺南 淑 尺林女太清

鍾黃鼓南 樂 尺無 之 黃清

關雎三章一章四句二章章八句無射清商

葛合黃之太覃姑 一 兮 四太施四太于姑 一 中 四太谷黃維中

葉南工 萋 尺無 尺 萋 四太黃南工 鳥 尺無 于 尺南 飛 尺林集

上于林 濯 尺無 尺 木 四太其 尺黃清 鳥 尺南 皆 尺無 皆 尺黃清

○葛合黃清 之 尺太清 覃 尺林兮 尺黃清 施 尺林于南工 中 尺無

谷黃清 維 尺林葉南工 莫 尺南 莫 尺南 是 尺合刈姑 一 是 尺太

獲 尺姑高 為 尺林絺姑 一 為 尺四給姑 一 服 尺太之姑 一 無 尺太

歌合黃 ○言 尺黃清 告 尺姑 一 師 尺南工 氏 尺林言尺林告姑 一 言

太歸黃薄合汗姑  
四歸黃薄合汗姑  
衣南害南工幹尺害無下凡不四皇六寧南工父  
林母黃合

葛單三章章六句無射清商

采黃清采姑一卷尺耳南工不尺盈姑一頃尺筐南

工嗟上我尺懷下凡人四宜合彼姑高一周太行合○

陟黃清彼無下凡崔南工鬼尺林我尺林馬姑一虺南工隤

尺我上姑尺酌高工彼下凡金姑一嬰太佳太清以

尺不南工永無下凡懷黃清○陟黃清彼南工砮黃清

矣林我合馬姑一瘖四矣合我上僕姑一痛尺林矣南

工云黃清何南吁無矣黃清

卷耳四章章四句無射清商

維黃清鳥姑有中巢林維黃清鳩無居南工之尺林

之上子尺林于無歸太百黃清兩林御南工之尺黃清

○維黃清鳥林有南巢尺維林鳥姑太太之黃合之

尺子合于尺林歸姑百太兩黃將太之黃○維黃清

鵲無凡有南工巢尺維南鳩尺盈南工之尺黃清之

六黃清子南于姑歸尺百太清兩尺林成南工之尺黃

鵲巢三章章四句無射清商

于黃清以南采尺繁南工于尺林沼姑一于太太止姑

一高于合黃以姑用太之姑公黃清候高工之無下凡

事合黃○于六黃清以尺林采合黃南于四太澗合黃之四太中

姑一于姑以高南用尺林之高南公六黃清侯高工之

太清官六黃清○被六黃清之太清僮高工童尺夙高五

夜姑一高南在高工公六黃清被合黃之高一祈四祈高一薄

尺林言高五選無下凡歸黃清

采紫三章章四句無射清商

于黃以高南采尺林高南南姑一澗尺林之高南濱尺林

于尺林以姑采上中藻尺林于合黃彼高姑一行四太濳合黃○于

黃以姑一盛太之姑佳黃清筐高工及尺林高工

樂

卷六

七

于林以姑尺以高一湘中尺林維尺竒南及無釜合黃○  
于黃清以高工莫合之姑宗尺林室姑牖太下黃  
誰中其南工尸無凡之尺有黃清齊高工季無凡女  
令黃

采蘋三章章四句無射清商已上皆無射為宮中

鍾為羽太族為角南呂為變徵凡十一律還相為宮皆宗黃鍾故曰清商也

右燕樂各止三終者以反為文也黃鍾清宮起調即以清宮畢曲

令亦諸侯燕禮大射以為正樂下達大夫士庶人如之

鄉飲酒禮皆用之鄉射正樂惟合樂三終而已獨

燕禮下管新宮無傳焉叔孫婼逆女于宋宋昭公

賦之或以天子之樂頌合大雅故曰其在朝廷則

爲斯干

道仁聖禮樂之序焉處則聽雅頌之音蓋臨下議政口之所道非德性不言言之有序即雅頌所奏者也象勺謂象節南籥止令二南而不他及他及則鄭衛矣故天子未聽以表德也此譜官羽和變角徵接商以喉嚨牙古唇迭轉五聲張子曰古樂不可見蓋爲今人求古樂太深始以古樂爲不可知只以虞書詩言志歌永言聲依永律和聲求之得樂之意蓋盡於是詩只是言志歌只是永其言而已只要轉其聲令人可聽今小歌者亦以轉聲



而不變字爲善歌長言時却要入於律律則知音者知之知此聲入得何律古樂所以養人德性中和之氣後之言樂者止以求哀故晉平公曰音無衷於此乎哀則止以感人不善之心歌亦不可以太高亦不可以太下太高則入於噍殺太下則入於啞緩蓋窮本知變樂之情也斯言真確論哉歌